

მერაბ ბერიძე

ბრძოლა ბიბირამამეობისათვის

1891 წელს არის დაწერილი იგანე გვარამაძის „გინძე მეს-
ხის ცხოვრება“, რომლის სრული სათაური ასეთია: „გინძე
მესხის ცხოვრება დაწერილი 1891 წელს ქ. ახალციხეს“. მეორე
გვერდზე კი ავტორს დაუსათაურებია: „გინძე მესხის მოკლე
ცხოვრება“. მისი საფონდო ნომერია 209. ეს მოკლე ცხოვრება
გულისხმობს დაბადებიდან 1868 წლამდე პერიოდს. იმდენად
მნიშვნელოვანი იყო იგ. გვარამაძისათვის მღვდლობის უფლე-
ბის მოპოვება, რომ ამით დაუმთავრებია კიდეც თავისი ცხო-
ვრების პირველი და უმთავრესი ეტაპი. საამისოდ ბეჭრი რამ
გადახდა მას.

ივანესთვის **ოცხეში** მის მეგობარს უკითხავს, დაწერილი პქნინდა თუ არა თავისი ცხოვრების ამბავი და როდესაც უარი მიუღია, ურჩევია, დაეტოვებინა შთამომავლობისათვის ბიო-გრაფია – „კარგია დასწერო, სიკეთილი-სიცოცხლეეა, დაშთების მომავალი თაობასა, ვინ იცის, როგორ გამოადგეს“. მართალია, ავტორი არ გვეუბნება, ვინ იყო ის კეთილი მრჩეველი, მაგრამ ჭიბიანი კაცი ნამდვილად ყოფილა, რადგან უკე 1891 წლისათვის დაუნახავს მნიშვნელოვანწილად ივ. გვარამაძის პიროვნება, მისი როლი საზოგადოებაში. მართლაც ბევრი რამის სწავლა შეუძლია მომავალ თაობას ივ. გვარამაძის ცხოვრებიდან.

ეს იყო გამომაფხნილებელი ორევა. მრავალჭირნახულმა ადამიანმა ნახა, რომ სამშობლოსათვის და ოწმენისათვის ბრძოლის გზაზე 60 წლისა ბერიქაცს დამსგავსებოდა. თმაწკერგათეორებულს, შუბლდანაოჭებულს კისერი მხრებში ჩარგოდა და ხეჭებშიც მოხრა დასწყებოდა. მიუხედავად ამისა, თვალს არ აკლდა, ჭარმაზი იყო და ფიზიკურად ძლიერი, ამიტომ გადაწყვიტა მან, გავლილი გზა კარგად გაეანალიზებინა და ჩვენთვის მოეთხოვ.

„კარგი ის იქნება კაცმან თავის სოცოცხლის მსვლელობა ყმაწვილკაცობითგანვე სწეროს დღიურად“, — წერს ივანე, რომ გაუადვილდეს შემდეგ განვლილი ცხოვრების გასხვნება და

შეფასებდა. სამწუხაროდ, მას დღიური არ უწერია, მაგრამ პქნენდა კარგი მეხსიერება და საკმაოდ დეტალურად აღადგენს ბავშვობისა და კაცობის წლებს. ამ საქმეს სერიოზულად მოვკიდა, ის ხომ მოწოდებით ისტორიკოსი, ფილოლოგი და საერთოდ შემოქმედი კაცი იყო. „შეუ კაცობა გამივლია, მომკლებია ძალა, ღონე, ხალისი, რას მოვიგონებ ჩემს მთელ გავლილ სიცოცხლის გზა-კალს“; – წერს იგი, მაგრამ, როგორც თავადვე იტყოდა, „ინადიანი“ ჯიუტი და პრინციპული გახლდათ, ამიტომ გადაწყვიტა დაეტოვებინა ჩვენთვის თავისი ბიოგრაფია. გადადება ადარ დირდა, ისედაც დიდი დრო პქნედა დაკარგული. „გუშინწინდელ ოქროს გუშინდელი ვერცხლი ჯობია, გუშინდელ ვერცხლს დდევანდელი სპილენძი,“ – დარდობს სპილენძისამარა დარჩენილი ივანე და იწყებს ბიოგრაფიის წერას. გამუდმებით თავის ქვეყანაზე, ხალხზე მათიქალი ადამიანი, მომავალ თაობაზე, ჩვენზე ზრუნვას: „წინა კაცი ვიწრო გზითგან რომ დაიბნეს, ან კლდითგან რომ გარდიჩეოს, ან ტალახისაგან რომ წაიქცეს და გაისგაროს და ანუ უფონო წყალში რომ დაიხრჩოს, ხომ უკანა კაცისათვის გასაფრთხილებელია მისი მარცხი და დაღუპვა? ჩემი შრომის მნიშვნელობაც ეს გახლავთ ამ ადგილას. მე შევცდი, მე დავიბენი, მე დავაშავე ბევრგან, ჩემს სიცოცხლეში ესეც კმარა სავნოდ კაცობრიობისა და ქვეყნისათვის, სხვანი გაფრთხილდნენ, ნუღარ შესცდებიან.“

ივანე გვარამაძე იყო ერთი ახალციხეელი „გლახაკი კაცის შვილი“. თავისი წინაპრების შესახებ ავტორს ძირითადად ტექსტში ჩაუმატებია: „მართალია ჩვენი წინაპარნი აწყვერის ბატონები ყოფილან, ცხრა ციხე მათ მმართველობის ქვეშ ყოფილან და მრავალი მამულები გვქონია, მაგრამ მაშმადიანობის მიუღებლობისათვის ჩამოურმევიათ ყოფილი მფლობელობა. **ზოზოშვილს** გვიძახიან ჩვენი წინაპრის სახელობაზედ. 1569-1572 ასე წინ თუ უკან მარტში აწყვერს ორი ფაშა **აზრუმისა** და **ტრაპიზონისა**, რომ რათ ინახამ ათაბეგ კვარცვარებათ. მას ბრძოლის დროს **აზრუმის** ფაშა მოუკლამს და მით გაქცეულან ოსმალოები. მერმე ხომ ქალიშანების აფენდის აუყრივართ **აწყვერითგან** და მოვსულვართ ახალციხეს. ჩვენი განაყოფიც **ხიზაბავრას** ასულან ჩვენს მამულში“.

ცხრა ციხის პატრონთ შთამომავალი ივანეს მამა იყო მეწვრილმანე, იცოდა ქსლის ბეჭვა და მექუდეობა. გვარამაძეთა გვარში შემოსულია შტოგგარი **ზოზოშვილი**, „წინაპრის სახ-

ელობაზედ“. ამ გვარით მოდიან გვარამაძეები „რუსობამდე“ მათი წინაპრის **ზაზასთვის** მამადიანებს ზოზო (ძლიერი) შეურქმევიათ (ერუაშვილი, 2002:41)

„**ზოზოშვილებსაც** გვიძახდნენ ჩვენი წინაპარი ზაზა გვარა-მაძისგან“ (გვარამაძე, 1891:18). ზოზოშვილობით უფრო იცნობდნენ ბაგშვილიაში ივანეს, ვიდრე გვარამაძეობით. ახალციხეში შაჰულიანთან სწავლისას კონფლიქტი მოუკიდა თანატოლებთან. ერთი მათგანი წააქცია და თავი დაარტყმევინა. ბიჭის დჯდა წივილ-კივილით მოვარდა: „იმ ტროკა ზოზოშვილს ჩემი შვილისთვის თავი გაუჩეხიაო“ (გვარამაძე, 1891:108).

ივანე გვარამაძე ზოზოს ცხოვრებას ვარაუდობს XIV საუკუნეში. ზოზო//ზოზოშვილობის საკითხს შექმნა მანანა მიჩიტაშვილი: „იმ დროს (XIV ს-ში მ. მ.) უცხოვრია გვარამაძის ძეთა ერთ-ერთ განაყოფს **ზოზოს** და მის მემკვიდრეებს, **ზოზოშვილებს**, რომლებსაც სქერიათ „მრავალი სოფლების ზოგან აგარა, ზოგან ყანა, ჭალა. ზოგან საფიჩხე, ზოგან ბაღები, წისქვილები, ზოგან საბაღახო, სათიბი და მოები საკუთრებად....“. მ. მიჩიტაშვილი ივ. გვარამაძის შრომებზე დაყრდნობით მიუთითებს აწყურში **ზოზოს დარბაზს**, **ზოზოშვილების სახლებს**, **ზოზოსეულ ციხეს**, **ზოზოშვილების ბაღ-ეკვნახებს** (მიჩიტაშვილი, 1995:17). ვინც არ გამაპადიანებულა ან ამოწყვეტილა ან გაფანტულა საქართველოს სხვადასხვა კუთხეში. „რაც შეეხება განთქმული **ზოზოს** შთამომავალთ, ისინი გაგლაახაგებულან, გადარიცებულან და ჯერ მაპადიანთა, მერე ახალ ხანაში მომრავლებულ სომებთა დევნა რომ აეცდინათ, მათს სომხეურ და ლათინურ ტიპიკონზეც დაწერილან ანუ გასომხებულან და გაფრანგებულან, სარწმუნოებით გრიგონიალებად და კათოლიკებად ქცეულან, თუმცა ქართული ენა და ქართული წეს-ჩვეულებანი შეუნარჩუნებიათ. ეს მომხდარა 1625-1636 წლებში (მიჩიტაშვილი, 1995:18).

სხვაგვარად უყვრებს **ზოზოშვილობის** პრობლემას შ. ლომსაძე. მისი აზრით, გვარამაძეთა ამ შეოს **ზოზოშვილის** გვარი მე-18 საუკუნეში უნდა მიეღო, რასაც ეროვნულ-რელიგიური საფუძველი ჰქონდა: „გვარამაძის როგორც გვარის, შეცელის მცდელობა კათოლიკე მამებს ადრეც პქონიათ XVIII ს-ში, ჯერ კიდევ მათი აწყვერში ცხოვრების დროს და ვინმე **ზოზო გვარამაძის** სახელის მიხედვით ცდილან გვარამაძენი აღერიცხაო **ზოზოშვილებადაც** და ხელოვნურად შემოღებული შტო-გვარის შეწყვილებით თანდათან უარესოთ გვარამაძეობა, როგორც

„მართლმადიდებლური ქართულის მაჩვენებელი“ (ლომსაძე, 1995:41)

მართლაც გადაჭარბებული უნდა იყოს, მე-18 საუკუნეზე ადრე რომ ვივარაუდოთ ზოზოს ცხოვრება, რადგან შეუძლებელი იქნებოდა წინა გვარის (გვარამაძის) ხსოვნა შთამომავლობისათვის.

კიდევ ერთ შტოს დაუდო გვარამაძეთა გვარმა სათავე. ეს არის **იანულოვი**. ცნობილი ექიმი და პოეტი, ვალის მკიდრი, ბატონი შალვა მოსეშვილი წერს: „ივანე გვარამაძის ახლო ნათესავები ვალეში „იანულოვის“ გვარით ცხოვრობდნენ. იანულოვი თურქულად დამწვარს ნიშნავს. ამჟამად იანულოვებმა აღიდგინეს თავიათი გვარი „გვარამაძე“ და ვალეში დღესაც ცხოვრობს ერთი ივანე გვარამაძე (ფოცხოვისპირელი, 2002:III).

ეს გვარი მეტგვარიდან მოდის და მას კონკრეტული ფაქტი უნდა ედოს საფუძვლად. ცნობილია ვინე მესხის მამის სიღარიბის ამბავი, რასაც დაერთო სახლ-კარის ორგზის დაწვა, რის შესახებაც თავად ივანე წერს: „სიგლახავის მიზეზი გახლდათ, მამაჩემს ორი პირი ცოლშვილი გამოეცვალა, თავისი ვაჟეაცობის დროს მონაგები ყველა ახალციხის აკლება-აოხრებისა რუსისგან და შემდგომ აჭარლებისგან სრულ გამოსცლოდა ხელითგან. ორი პირი სახლ-კარი დახსროდა 1828-1829 (წლებში) და ცარიელ-ტარიელა კაცს მესამე ცოლად დედებიმი შეერთო ვალეს, დედაჩემსაც პირველი ქმარშვილი ასწყვეტოდა და მეორე მამაჩემი იყო“ (გვარამაძე, 1891:5). სახლ-კარდამწვარი ახალციხელი ჩადის ვალეში და ზედსიძედ შედის „ზაქარათ ბაღდასარას ძის გასპარას სახლში“ (გვარამაძე, 1891:6), მას არქმევენ მეტსახელს **იანულას** (დამწვარა), ხდებიან ისინი იანულანნი (დამწვარაანნი), ხოლო შთამომავლები არიან **იანულათები** და **იანულოვები**.

თურქული სახელის ქართველი კაცისათვის დარქმევა და ამის ნიადაგზე შემდევ გვარის ჩამოყალიბება საყოველთაოდ ცნობილია. ეს იყო ოსმალეთთან მეზობლობისა და ისტორიული ურთიერთობების შედეგი. არაქართველი გვარსახელების ჩამოყალიბების ამ გზას მხარში ამოუდგა სხვა ფორმა, როდესაც ქართველი სახელის მატარებელ ქართველ კაცს შეგნებულად უცვლიდნენ სახელს და მას, როგორც გრიგორიანელს ან კათოლიკეს, სომხური ან იტალიური ტიპიკონის მიმდევარს, სომხურ სახელს არქმევენ. ივანე გვარამაძის მამას ერქვა პავლე, მაგრამ, რადგან იგი კათოლიკე იყო, ოფიციალურად

იწოდებოდა პოლოსად, ისევე, როგორც **პაკლე შაჟულიანი** (**ჭილიძეზა შეილი**) იყო პოლოს შაჟულიანი. შ. ლომსაძის აზრით, დგებოდა შემდეგი საშიშროება. ვიდრე პოლოსა იწოდებოდა გვარამაძედ, გვარისა და ეროვნების საფრთხე არ ემუქრებოდა, მაგრამ „მისი სახელი „პოლოს“ მეორე ეტაპზე შეიძლება მისი გვარის გაქრობის მიზეზად იქცეს და უკურადღებობის შემთხვევაში თუ ამ პოლოსას შვილს დაერქმეოდა, ვთქვათ, „მინასა“, მოსალოდნელი იყო, რომ ამ მინასას შვილს გვარად მისცემოდა „პოლოსიანი“, რაც ჩვეულებრივად ხდებოდა ხოლმე“ (ლომსაძე, 1995:41). ასეთ დროს ვდებულობდით **პოლოს მინასიანს**, როგორც ეს მოხდა **იანულოვის** შემთხვევაში, ოდონდ აქ თურქული ფუძე იქნა გამოყენებული და გაბუნდოვნდა ქართული წარმომავლობა რუსული – **ოფ** სუფიქსის დართვით. ქართული გვარების დაკარგვის ეს ორი გზა გაჟყვა მოედ მე-19 საუკუნეს და მე-20-შიც გადმოვიდა.

ბრძოლა ქართული გვარების წინააღმდეგ იყო ბრძოლა ქართველობის წინააღმდეგ.

სხვაგვარად იქცევიან ოსმალები, თუმცა პრინციპი იგივეა. ოსმალთა მმართველობის დროს ეკონომიკურ საფუძველზე დაყრდნობით და ზეწოლით ქართველებს სარწმუნოებას უცვლიდნენ, თან მას სახელს უცვლიდნენ. სამცხე-ჯავახეთის ისტორიულ მუზეუმში არის ერთი დოკუმენტი, რომელიც გვამცნობს, რომ „მუსხიდან გათაორდნენ **თომაანთ თორომანი, სიმოს** მაისურაძეს დაარქვეს **უსეინაი**, ხოლო ქურდაძეს – **სვილეიძანაი**, ისიდორ ქურდაძეს – **ალიაი**, ქიტე ქურდაძეს – **იბრაი**“. თავდაპირველად ორივე სახელს ატარებდა გამაპმადიანებული მესხი – ქართულსაც და თურქულსაც, გვარს არ ეხებოდნენ, რადგან მარკიონების პრინციპი ირდვეოდა. ქართული გვარის სისტემა განსხვავდება ოსმალური გვარი შეიძლება შექმნილიყო სახელშეცვლილთა შთამომავლებისათვის, უსეინას შთამომავლი იქცეოდა **უსეინოლოდად**, ალიასი – **ალიოლოდად** და ა.შ.

ასეთი გვარის მიზანი და პრინციპი იყო არა მხოლოდ გვარის გაბუნდოვნება, არამედ ქართული ეროვნების საბოლოო დაკარგვა.

გვართა ასეთ ჭიდილს მოუსწრო მე-19 საუკუნეში რუსეთის შემოსვლამ მესხეთში და პროცესმა მიიღო უნიფიცირების ხასიათი. კერძოდ, რუსული ადმინისტრაციისათვის უფრო მისაღები იყო – **ოფ** გზები დაბოლოებული გვარები და ქართულ-

სომხურ-თურქული დაბოლოებანი შეცვალა რუსულმა დაბოლოებამ, ოღონდ ეს ძირითადად ხდებოდა ოფიციალურ სახელმწიფო დონეზე, ხალხი ისევ ძველი გვარით მოიხსენიებდა თავიანთ ნაცნობებსა თუ ნათესავებს.

ივანეს პქონდა ბავშვობაში მეტსახელი კონა, რომლის შესახებაც წერდა: „სადაც ყმაწვილოსან დედებს დავინახემდი ერთად თავმოყრილ მჯდართა, ხან ერთს უგარდებოდი კალთაში ხან მეორეს და ხან მესამეს. სახელად იოანე მერქვა, მაგრამ დედახემს კონა დაერქმია ჩემთვის, მის გამო, ვინც ამიუგანდა ხელში. ეს გარდის კონაათ, იტყოდა და მიმიკრემდა გულში“ (გვარამაძე, 1891:9-10). კონა გაგრცელებული სახელიც იყო მესხეთში და მეტსახელიც. მისგან არის მიღებული გვარი კონა შეილი. ეს მეტსახელი დიდობაში არ გაჰყოლია ივანეს და არც მის შთამომავლებს ხვდათ წილად ამ სახელის შემკვიდრეობა, თორემ მესხეთში კონაანნი მეტგარად გვხვდება.

შ. ლომსაძე ივ. გვარამაძის შესახებ წერს: ივ. გვარამაძე მიხვდა, რომ ძევლი ქართული გვარ-სახელების ახლებური წარმოებისას სახე ეცვლებოდა არა მარტო გვართა მაწარმოებულ სუფიქსებს, არამედ მთლიანად ფუძესაც, ქართულ-კათოლიკური კონდაკის (რიგის) არ არსებობის გამო გვარის დაცვის საკითხი გართულებული იყო“ (ლომსაძე, 1995:40).

თვითონ ივანემ საკუთარ თავზე გამოცადა გვართან დაკავშირებული პრობლემები. ჩვენ ვნახეთ ზოზოშეილად რომ იწოდებოდნენ გვარამაძეები და ივანეს დასჭირდა თავისი გვარის ჯერ დადასტურება და მერე ადდგენა. ესეც არ აკმარა ცხოვრებამ. ივანეს თვითონ გვარი იყო მესარქოზი და ეს მოხდა სრულიად შემთხვევით. ბრძოლის დროს პავლე, ივანეს მამა, უნდა დაეჯილდოებინათ. „**ბებულოვება** ტემლაგზედ წარდგენის დროს მისი ვინაობა პკითხა მის მომმეს ქუთაისელ ანტონ მესარქოზს და მანც მოახსენა ჩემი ძმა არისო და მესარკოვად ჩასწერა. ამით დარჩა ჩვენი წოდებაც მესარქოზი“ (გვარამაძე, 1891:34).

პავლეს, რომელიც იყო გვარამაძე-ზოზოშეილი, ჰყავდა დედის მხრიდან ნახევარმმა ანტონი, აი ამ ნახევარმმის გვარი მისცეს პავლეს, რომელმაც არა მარტო მიიღო ეს გვარი, არამედ ცოლშეილიც ამ გვარზე დაწერა (ლომსაძე, 1995:12). დღეგანდელი გადასახედიდან ძნელი გასაგებია ასეთი ცოომილება. როგორი საცოდავი ჩანს პავლე, რომელმაც თავისი გვარი არ იცის! ალბათ, აქ იმდენად არცოდნასთან არა გვაქვს

საქმე, რამდენადაც გვარის სოციალური ფუნქციის გაუფასურებასთან ქართულ ეროვნულ სინამდვილეში, ჯერ თურქობის დროს და შემდეგ რუსთა ბატონობისას.

ივ. გვარამაძემ მდვდლობა **მესარქოვის** გვარით მიიღო 1868 წელს. იგი, როგორც განათლებული კაცი, ისტორიკოსი, ფილოლოგი ვერ შეეგუებოდა **მესარქოვად** ცხოვრებას. იცოდა, რომ **ზოზოშვილიც** შექნილი გვარი იყო, ამიტომ იბრძოდა გვარამაძეობის აღსადგენად. იგი, როგორც საზოგადო მოდგაწეს, წერდა გვარამაძის გვარით და „ვინმე მესხის“ ფსევდონიმით, ამიტომ, „რახან მდვდლის მოწმობა **მესარქოვის** გვარით ჰქონდა მიღებული, ზოგი საეკლესიო მსახური უჩიოდა, **მდვდლობის გვარს უარყოფს** და „ვინმე მესხის“ ფსევდონიმით აქვეყნებს წერილებსო“ (ლომსაძე, 1995:41-42). ეს უკვე სხვა სახის ბრალდება იყო, ამიტომ ყველაფერი გააქოთა იგანებ საიმისოდ, რომ გვარამაძეობა დაემტკიცებინა. ისტორიული და სხვა სახის დამადასტურებელი საბუთების საშუალებით ოავისი გვარი დაიბრუნა 1885 წელს.

მესარქო ხელობის აღმნიშვნელი ტერმინიდან მომდინარედ უნდა მივიჩნიოთ. მართლაც, სახელი გამჭვირვალეა და მესარქიდან მოდის, **მე – ე** მაწარმოებლებით არის მიღებული. ოდონდ სარკის კეთებასთან არ არის დაკავშირებული და ამის ტრადიცია არც ჩანს მესხეთში. ივ. გვარამაძე თავის ლექსიკონში **მესარქეს** განმარტავს, როგორც – **სარკეების გამყიდველი** (გვარამაძე, 1907:14).

ასევე ხელობის აღმნიშვნელი ტერმინიდან მოდის ძველი ახალციხური გვარი **მეწყარიშვილი**. ამ გვარის მაკმადიანი ოჯახი ცხოვრობდა ახალციხის რაიონის სოფელ ბოვაში.

სამცხე-ჯავახეთის ისტორიულ მუზეუმში დაცული ერთი ჩანაწერის მიხედვით, რომელიც მე-20 საუკუნის 30-იან წლებში შეუქმნია **ი. პაპისიძეოვის** (ხელნაწერი №1082, გვ. 39) ვაებულობთ, რომ **მეწყარიძე მეწყალიძეან**, კ. ი. წყლის გამყანის მოხელიდან უნდა მოდიოდეს, რომელსაც თიხის მიღებით **ჭვინტის** ტყიდან ახალციხის რაბათში ჩაუყვანია წყალი. წყლით მომარაგების ერთ-ერთი სპეციალისტი, რომელმაც დატოვა ახალციხე 1828 წლის ომის შემდეგ და წავიდა **ბოვაში**, სათავეს უდებს ახალ გვარს – **მეწყარიძეს** (ბერიძე, 2006:53).

მართლაც, თითქოს არაფერი უშლის ხელს, რომ **მეწყარიძე** და **მეწყალიძე** დავაკავშიროთ ერთმანეთს, კ. ი. იყო ხელობის აღმნიშვნელი ტერმინი, რომელმაც დაუდო გვარს სათავე, მა-

გრამ აქ **მეწყალე** არაფერ შუაშია, ტერმინი იყო **მეწყარე**, რო-
მელსაც თავის ლექსიკონში ივ. გვარამაძე ასე განმარტავს:
„**წყაროს მომყვანი, ზედამხედველი, გამგე**“ (გვარამაძე, ქარ-
თული ენის საუნჯე: 147), ხოლო **მეწყლე** არის „**წყლის მზიდა-
ვი**“. ხელობის აღმნიშვნელი ტერმინით კიდევ ერთი გვარი
გვხვდება ვინმე მესხის ცხოვრებაში. ეს გვარი ცნობილია მე-19
საუკუნის საქართველოში.

შ. ლომსაძემ შეისწავლა **ხარისხირაშვილების** გვარი და ის
ხელობის აღმნიშვნელ გვარსახელად მიიჩნია, ნამდვილი გვარი
კი არ ვიცით. **ხარისხირაშვილების** წინაპრები ჯავახეთის სო-
ფელ კოთელიიდან ყოვილან, რომლებიც XVIII საუკუნის შუა
წლებში ლეკიანობას გამოექცენ ჯავახეთიდან და მართლმა-
დიდებლებად ჩამოვიდნენ ახალციხეში, სადაც მიიღეს კათო-
ლიკობა (ლომსაძე, 1995:31). ივ. გვარამაძე წერს: „წამიყვანეს და
ადგილობრივ მღვდელს მიმაბარეს საკითხავად ოთხი წლისა.
მღვდელი იყო **ხარისხიროთ პავლე**, თვალებმტკივანი, წიგნის
კითხები მეტად სწყენდა თვალებზედ. გულგეთილი კაცი იყო,
ერთგული ერისა, მართალი“ (გვარამაძე, 1891:22). **პავლე ხა-
რისხირაშვილი** ვალის სოფლის მღვდელი ივანეს ნათლიაც
იყო (ლომსაძე, 1995:13).

პავლე ხარისხირაშვილთან სწავლის დროსვე მოუწია მი-
სივე მოგვარესთან სრულიად ბავშვს შეხება, კერძოდ, პატარა
ივანე წარმატებული მოწაფე აღმოჩნდა და მალევე მისცეს წა-
საკითხად კატებიზმო „დაწერილი **ხარისხიროთ ლუკასგან**,
რომ მღვდლად კურთხევისა შემდგომ პეტრე დაირქვა სახ-
ელად“ (გვარამაძე, 1891:23). ეს ის პეტრე ხარისხირაშვილია,
რომელსაც ჯერ ქუთაისში ჩაკითხა და სწავლობდა მასთან
ივ. გვარამაძე 1854 წელს და შემდეგ სტამბოლში – 1859 წელს.

ბავშვობის წლების მოგონებისას ორივე **ხარისხირაშვილს**
ხარისხიროთ ფორმით მოიხსენებს, მაგრამ ოფიციალურად,
თანამდებობაზე მყოფის შესახებ ივანე ამბობს: „ქუთაისს წავ-
ალ, მიყმართამ უ. მამა პეტრე ხარისხაროვსა, ვერცებ მიმიღოს
და საქმაო სწავლაც მომცეს“ (გვარამაძე, 1892:145).

ქუთაისში ჩასული იყნენ კათოლიკურ ეკლესიაში შეხვდა
დონ ანგონ გლახაშვილს, რომელმაც მიასწავლა მას „მამა
პეტრე ხარისხირაშვილის სადგომი. რიონის ნაპირას ეკლესის
ჩრდილო-დასავლეთით ფიცრული სახლი იყო ორსართულია-
ნი...“ (გვარამაძე, 1891:147). სახელი აშკარად კომპოზიტური
წარმომავლობისაა: **ხარისხირა** – **ხარისმჭერა** – **ხარისმჭერი**.

თავდაპირველად მეტსახელია და იგი დაედო საფუძვლად მეტგვარსა თუ გვარს. რაც შექება სამ ვარიანტს (**ხარისხის როთი, ხარისხისა შეილი, ხარისხაროვი**) მათი აქტიური მოხმარება მიუთითებს იმაზე, რომ გვარად ჩამოყალიბების პროცესი თურქულის გავლენით შენელებულია, ამიტომ სამივე ფორმა იტოვებს არსებობის უფლებას.

„ვღებაგ“ ზნის მოქმედებითი გვარის მიმღეობა დღეს არის **მღებაგი**. მე-19 საუკუნის საქართველოში, კერძოდ, მესხეთში იყო **მღებარი**. ივ. გვარამაძესთან ვკითხულობთ: „მე კარგად ვიცნობდი ფალოშათ ივანეს და მის შვილს იოსებს და ისინიც მიცნობდნენ. ვიცოდი იოსების დედაც **მღებარი** ივანეს ქალი იყო“ (გვარამაძე 1891:221).

ივანეს ცოლის შერთვის საკითხი სადაო გახდა. გადამწყვეტი სიტყვა სასიდედროშ თქვა: „მე მამაჩემს ბ. ივანე **მღებარს** ვემორჩილებიო. მე ამის მეტს არავის მირჩევს. მეც ღმერთის ნებით მიმიცია და გამითავვებია“ (გვარამაძე, 1891:226). სიდედრის მამა არის „უფროსი სიმამრი“, რომელიც ყველაზე კეთილგანწყობილი იყო ივანეს მიმართ. მან არა მარტო თანხმობა მისცა შვილიშვილზე დაქორწინებისა, არამედ კრიტიკულ მომენტში ხელიც გაუმართა. ივ. გვარამაძე წერს: ვალის ასაღებად „მივმართე ვალეს, არალს, უდეს მღვდლებსა, ყველამ გაიწყვიტა, როგორც შევხედე შურისგან კვდებოდნენ და რა ხელს გამომართავდნენ მე ისინი? ბოლოს ჩემთან უფროსმან სიმამრმან **ბ. ივ. მღებარმან** მომცა 10 თუმანი“ (გვარამაძე, 1891:245).

ივანეს უფროს სიმამრს (სიდედრის მამას) **მღებარი** ქცევია მეტგვარად თუ გვარად არა, რასაც გვაუირებინებს შემდეგი ადგილი: „1869 ახალ წელიწად დღეს ვლადიკავკაზეს ვიყავთ. იქ დაგხევდა **მღებაროვის** სიძე ბ. სარქის თრთაჯოვი, ჩემი მოკეთე“ (გვარამაძე, 1891:263). მღებაროვის მოკეთეობა სიდედრის მხრიდან იგულისხმება. მისი სიდედრი მღებარის შვილია, მათი სიძე კი თრთაჯოვი. „თბილისშივე მივაცემინე ჩემი კერძი 8 მანეთი ბ. კარლო **მღებაროვს**“ (გვარამაძე, 1891:273), ეს არის ბოლო მღებარი ი. გვარამაძის „ცხოვრებაში“.

აღნიშნული ტერმინიდან – **მღებარი** მივიღეთ გვარი **მღებარიშვილი**, რომელმაც რუსული დაბოლოებით მოგვცა **მღებაროვი**. აგვისტინე კარლოვიჩი **მღებაროვი**, რომელიც იყო ივანეს ცოლის ფალოშათ იოანეს ასულ ანანოს მზითვის წიგნის შემდგენი, წერს: დამწერავიც მე ვარ და მეჯვარეც (ლომსაძე, 1995:35).

მდებარი ფორმა გვაფიქრებინებს, რომ თავისი შინაარსით იგი არის კლებავ ზმის მოქმედებითი გვარის მიმღება. შინაარსობრივად მართლაც ასე უნდა იყოს და უნდა ნიშნავდეს მღებავს, კაცს, რომელიც დებავს, განსხვავებული განმარტება აქვს **მდებარისა** ივ. გვარამაძეს თავის განმარტებით ლექსიკონში: **მდებარი, მდებავი –** სამღებროს ქონე (გვარამაძე, 1907:188).

საინტერესოა, რომ **მდებარი** გვარად თუ მეტგვარად გაფორმებისას გვარის მაწარმოებელ რომელიმე სუფიქსს არ იყენებს. როგორც ჩანს, **მდებარი** მაწარმოებლის გარეშე არსებობდა, რადგან მესხეთში ცოცხალი იყო -არ სუფიქსი, რომელიც წარმომავლობის სუფიქსად იხმარებოდა: ლობიარი, ოთარი, ხერთვისარი და სხვა.

მოგვიანებით **მდებარი მდებრიშვილად** იქცა. მე-19 საუკუნის პირველ ნახევარში რუსული დაბოლოება დაერთვის მდებარს და ვლებულობთ **მდებაროვს**, ხოლო მდებრიშვილი გვაძლევს **მდებროვს**.

ხელობის აღმნიშვნელ გვართაგან **მესარკიშვილი** და **მდებრიშვილი** მითითებული აქვს ზ. ჭუმბურიძეს, მას, მჭედლიშვილის გარდა, ჩამოთვლილი აქვს „სხვადასხვა ხელობის მიხედვით შერქმული გვარები: დალაქიშვილი, დურგლიშვილი, ხარატი, ხარატიშვილი, ხარაზი, ხარაზიშვილი, ხუროშვილი, ხუროძე და სხვა“. ამასთანავე „საყურადღებოა, რომ ხელობისა და თანამდებობის აღმნიშვნელი ტერმინები ხშირად გვხვდება გვარებად წმინდა ფუძის სახით (გვარის მაწარმოებელი აფიქსების, ან -ძე და -შვილ დაბოლოებათა გარეშე)“. (ჭუმბურიძე, 2003:89). ჩამოთვლილთა შორის ზ. ჭუმბურიძე ასახელებს **მხატვარს**. როგორც უკვე ითქვა, **მდებარი** სწორედ ამ ტიპისაა.

„მრავალ ქართულ გვარს წოდება – თანამდებობის და პროფესია-მოსახმეობის აღმნიშვნელი ტერმინები უდევს საფუძვლად. ხშირ შემთხვევაში ეს ტერმინები არაქართული იყო, აღმოსავლეთ მეზობელთაგან ჩვენში შემოსულ-დამკაიძრებული... ხაზგასმით უნდა ითქვას, რომ ჩვენში ამ გვართა ფუძეების ტერმინებია შემოსული. გვარსახელები კი უშუალოდ ჩვენს ქართულ სინამდვილეშია წარმოქმნილი“ (თოფჩიშვილი, 2003:6). ხელობის აღმნიშვნელი გვარების ჩამოყალიბება გარკვეულწილად არაქართულენოვან გარემოსთან იყო დაკავშირებული მე-19 საუკუნის პირველ ნახევარში.

საინტერესო მოსაზრებას აყენებს ამ მხრივ შ. ლომსაძე. მისი აზრით, “რადგან გაკათოლიკებული ქართველები ჩვეულებ-

ბრივად მიწერილი იყენებ ლათინურ ან სომხურენოვან კონდაკის ძელნე ეკლესიებს, სადაც სომები და ლათინ სასულიერო პირებს თავიანთი კონდაკების კვალობაზე სასურველ შესაბამისობაში მოჰყავდათ ქართულ გვარ-სახელთა ახლებური წარმოება, იწარმოებოდა ივი ძირითადი საქმიანობის (ხელობის) ან საკუთარი სახელის მიხედვით, რომელიც მთლიანად ტიპიონის ძალობაზე იყო გაწეობილი და საიდნაც შემდეგ უცნაურ შტოგვარებად ყალიბდებოდა” (ლომსაძე, 1995:40-41).

გვართა ვარიანტულობა მე-19 საუკუნის პირველ ნახევარში განპირობებულია სხვადასხვა ფაქტორით. ერთ-ერთი მათგანია ხელობის აღმნიშვნელი გვარები, რომლებიც ცვლიან არსებულ ტრადიციულ ქართულ გვარებს.

გვარამაძეთა გვარის ისტორია ნათელი მაგალითია იმისა, რომ გვართა ვარიანტულობის მთავარი მიზეზი ტრადიციული ქართული გვარების უარყოფაა. ეს უარყოფა დაიწყო ჯერ ოსმალეთმა და გააგრძელა რუსულმა მმართველობამ. იქმნებოდა ახალი მეტსახელიდან მიღებული გვარები (ზოზოშვილი), ან ეძლეოდათ ხელობის აღმნიშვნელი ტერმინებიდან შექმნილი რუსულ-ქართული დაბოლოებიანი სხვა გვარები.

ვარიანტულობის უმთავრესი სათავე მაინც ქართული დაბოლოებების: -ო, -ძე, -შვილი და რუსული -ოვ -ის ჭიდილი იყო.

გამოყენებული ლიტერატურა:

ბერიძე, 2006 – მ. ბერიძე, ქართველთა გამუსლიმება და გვარის შეცვლა მესხეთში, 2006.

გვარამაძე, 1891 – ივ. გვარამაძე, ვინმე მესხის ცხოვრება, 1891.

გვარამაძე, 1907 – ივ. გვარამაძე, ქართული ენის საუნჯე, 1907 წ. ხელნაწერთა ინსტიტუტის ფონდი, ხელნაწერი №52.

თოფჩიშვილი, 2003 – რ. თოფჩიშვილი, ქართული გვარსახელების ისტორიიდან, წიგნი I, 2003.

ლომსაძე, 1995 – გ. ლომსაძე, მესხები, ახალციხეური ქრონიკა, II, 1995.

მიჩიგაშვილი, 1995 – გ. მიჩიგაშვილი, ივ. გვარამაძის საისტორიო და საზოგადოებრივი შეხედულებანი, 1995.

ფოცხოვისპირელი, 2002 – გ. ფოცხოვისპირელი, ვინმე მესხი-ივანე გვარამაძე, კრებული „ოპიზარი“, II, 2002.

ყრუაშვილი, 2002 – ნ. ყრუაშვილი, სადისერტაციო ნაშრომი,
2002.
ჭუმბურიძე, 2003 – ბ. ჭუმბურიძე, რა გქვია შენ? 2003.

Merab Beridze

FIGHTING FOR BEING GVARAMADZE

Summary

The variance of family names in the first half of the XIXc is caused with different factors. Namely, with the rejection of traditional Georgian surnames. It began in the period of Ottomans, governance and went on in the period of Russia's domination. One of them are surnames denoting skills that replace existed traditional Georgian family names.

The history of a surname - Gvaramadze is a clear example. The main reason of the variance of family names is the rejection of traditional Georgian surnames. First Ottomans' began and then Russians continued it. New surnames were formed from nicknames (Zozoshvili) or from the terms denoting skills which had Russian –Georgian endings.